


4

RESPUBLICA  
S. MARINI 4



WESTV BLDG  
2 MARINI

A D

# CHRISTINAM

FLAMINIÆ FINES INGRESSAM

O R A T I O

ANTONII DE MALAGONNELLIS

N Y N C

DE AMADORIS

*Sub persona Legatorum Reipublicæ  
Sancti Marini.*



NEAPOLI;

Apud Michaellem Monacum 1688.

---

Superiorum Licentia.

## CHRISTIANAM

TRAMITIBUS INTELLECTUS

OCTAVIO

ANTONIO DE MALAGOSCHIS

M. V. G.

DE AMADORIS

Societate Christiana  
Societate

NEAPOLIS

Apud Bibliopolem Blacasianam 1888.

Bibliopolem Blacasianam

## CHRISTINAM,

FLAMINIAE FINES INGRESSAM.

O R A T I O.

*Antonii de Malagonnellis, nunc de Amadoris,  
sub persona Legatorum Reipublicæ  
Sancti Marini.*



Ajestatis tuæ Numen,  
Regina, toti nuper  
formidatum Euro-  
pæ, nunc Italiæ triū-  
phis, & venerationi  
nostræ divinitus ad-  
motum, Marinensiu  
Populus, per nos an-  
te Te procumben-  
tes, gratulatur. Et nisi dedigneris ruralem Vr-  
bem vestigiis tuis consecrare, felices penatum  
angustias, & auream pauperis seculi Regiam  
offe-



2  
offerimus ; simulque fortunas nostras, vitam,  
& cariorem vita libertatem, Imperio tuo sum-  
mittimus: cui & Bruti gloriose procumberent,  
& sua ruerent Catones in vulnera, nisi servi-  
rent. Deinde gratias agimus, quod inter tot  
certantia legationum vota, in eā quoque Rem-  
publicam, quæ si cæteris conferatur, vel mini-  
ma est, vel nulla, Regiæ tamen dignitatis fasti-  
gium, tam humane inclinasti, ut nemo id  
unquam ante Te, nemo post Te gloriosius ex-  
tulerit. Cujus beneficii magnitudinem, nobis  
animo reputantibus, obortæ gaudio lacrymæ  
officium gratæ vocis usurpant.

Nimium sane fuerat Sacrarîi tui limini-  
bus provolutos, per viliora aulæ mancipia,  
velut in pretium bene actæ legationis, allevari:  
Nec erat quod animis nostris altiori spe blan-  
diremur, vulgi salibus ad jocum traducti: Ri-  
sus causæ pauper, & rudis cultus, attritæ labo-  
ribus manus, & ad venustatem aulæ parum  
compta gestatio. Fuere qui palam greges, &  
aratra objectarēt; neque Te ex dignitate factu-  
ram, si tot inter legationum seria eam quoque  
Rempublicā excepisses, quæ vel in tota Orbis  
Terrarū imagine, nec invenitur, nec quaeritur.

Ad

Ad quæ rubore suffusi verebatur oculos  
 tollere, & inconsultæ legationis audaciam in-  
 eufantes, torquebat elusæ Patriæ irritum de-  
 decus. Sed male nimis de te, divinisque virtu-  
 tibus tuis meruit, qui profusæ bonitatis Cæle-  
 stem indolem humanæ superbix limitibus pu-  
 tavit includi. Vereantur modestiæ tuæ censu-  
 ram, qui parvis initiis ad culmen aliquod ad-  
 scitæ Majestatis, fortunæ ludo, emergere: rari in  
 publico, adiri difficiles, tanquam homines vi-  
 deri indignantur, & jam Divina præsumant.  
 Tu Regnum natalibus merita, & facinorum  
 gloria Principum vulgo exempta, privatæ  
 fortunæ Majestatem immisces; vota morta-  
 lium è proximo accipis, nec aliud metuen-  
 dum Tibi, quam ne intelligamus, potuisse Te  
 Imperio abdicari, non imperare non potuisse.

Obversaris omnium oculis, omnium ani-  
 mis, ubique regnas, ubique coleris, & ut si-  
 dus mundo contrarium iter intendens, vos  
 Augusti Principes, clementiæ gradibus, & mo-  
 derationis gloria humanam supra sortem ascē-  
 ditis: Omnes mihi Reges, & Vniuersam Iuris  
 humani Majestatem intueri videor, cum Te,  
 Regina, intueor; in qua omnium adeo maxi-

morum Ducum, Regumque cumulata virtus  
 refulget, ut fatorum invidiæ imputandum, si  
 Terrarum Orbis Imperio genita, Arctoæ pla-  
 gæ confinio termineris. Sed tanta tibi in om-  
 nes mansuetudo, tanta indulgentiæ laus, ut, &  
 ipsa beneficiis provocata Numina genium tuum  
 adorent. Nam post pacatam Europam, da-  
 tamque hostibus, vel invitis pacem, avito  
 etiam solio descendisti, ut Regnorum con-  
 temptu fortunam tuam absolveres, & inaudi-  
 ta magnanimitate fatorum pudori consuleres.

Plura de te volentem, Regina, avertit ab  
 instituto munere Cælestis verecundia tua, co-  
 gitque caritas natalis Soli, repentina, & mini-  
 me præparata oratione vulgi ludibriis occur-  
 rere: Non quod potuisse nos lædi arbitremur  
 insanientis turbæ conviciis, quibus sacer nec  
 Rutilius fuit, nec Cato. Timor est, ne tam hu-  
 milis, & indecora de nobis opinio, spem hu-  
 jus legationis eludat; & impatiens desiderio  
 tui Respublica hospitii gloria, & peregrini  
 Numinis aspectu fraudetur. Dabis ergo ve-  
 niam, Regina, si in propulsandis obtrectan-  
 tium vocibus aurium tuarum clementiam læ-  
 serim; & amori in Te nostro velim impu-

tes



tes, si cogimur in laudes nostras insanire.

Invidiosum quidem, & frequens Regnorum incendiis, aut aliqua siderum cognatione Urbium origines illustrare. Nos, & si minime laborandum sit, ut Reipublicæ primordia, ac decus intemeratæ libertatis Cælo, & Numinibus imputemus, hoc uno tamen omnium supra gloriam assurgimus, quod fortissimos in Te Gothorum Reges velut conditores agnoscimus, & veneramur. Ii namque toto Septentrione innixi, cum sæpe devictis Alpibus, sese Italiæ superfuderint, & Urbes omnes, ipsamque Reginam Urbium ferro, flammisque corruperint, innocentia tamen nostræ, aut gloriæ suæ pepercere.

Et ne credamur communem Italiæ cladem securis lacrymis defleuisse, quia viles, aut latebris sylvarum obfiti; Mons assurgit omnium, qui Flaminiam exasperant, æditissimus; verticem hujus nobilitat arx vetustissima, quæ omnium late finitimarum gentium visus amabili terrore fatigat. Nam perpetuis voraginum munita periculis, velut in invidia servientis Italiæ immistum pene Cælo supercilium libertatis ostentat. A fronte Adriaticum æstuat ma-

re : inferiora laterum ambiunt læti , cultique colles , qui pari spatio per amœnas umbras , & opaca nemorum , in fertiles campos , & florida prata desinentes , Tempe altera intransitibus aperiunt. Supra clementiam aeris augent loci gratiam salubres fontium venæ , perennes riuui , concentus avium , & pastoralibus tibiis personæ vâles. Non frugum , non pascuorum alibi felicior ubertas : laxata messibus horrea : greges innumeri : nitentia armenta : varia , & multiplex venatio. Ad hæc miri olearum proventus , lactis præcipuum decus , notissima vinetis gloria ; tanta denique alvearium frequentia , ut , & ingesta rupibus mella naturæ sterilitatem emendent.

Hæ ruris opes , hi collium luxus , non Tarento Pyrrhum , non Capuâ Annibalem aver-  
tissent ? Crediderim Reges tuos loci religione tactos abstinuisse ætatis illius reliquiis , in qua homines auri , Regnique cupidine intactos , a Numinum vita mortalitas sola distinxerat. Videre nimirum Rempublicam non Ephoris , aut Lycurgo innixam , non innumeris Quiritum sanctionibus laborem ; sed iis naturæ egibus fultam , quibus recentis Mundi incol-

5  
las in societatem mutuæ charitatis facer amor  
illexit; cum ibi homines non coercitione, aut  
præmiis; sed sponte iusti gloriæ innocentie  
custodirent. Fasces, purpura, currus, externæ  
vocabula luxuriæ; nam per annuas imperij vi-  
ces inemptis comitiis adepti Rempublicam,  
non turba procerum, non supercilio fortunæ;  
sed morum sanctitate, & comitatu virtutum  
eminebant. Non gemmæ, non opes in pretio,  
non ea omnia, in quæ votivus hominum fū-  
ror consentit: Satis divites, quibus annona  
frugalitatis consuleret, & intra parvuli rursus  
angustias æquitas animi Regna faceret, tuti  
adversus fortunam, & nulla votorum curâ  
felices.

Nec est, quod nobis invida latret maligni-  
tas, & illibata posteritatis laudem detrectet.  
Et quando Urbes nocentior delatorum pestis  
infedit? Obrepant ii, quos velut candidatos  
honorum stoicæ severitatis personata mode-  
stia felicius commendat. Videbunt laboriosam  
Urbem, frugalem Populum, Curiam inno-  
centem, & in angusta libertatis arce plures  
Reges. Quicquid in domibus, quicquid in  
agris habemus, quicquid Civitas suam vocat,

parati sumus egerere. Frustra quærent vētigales Prouinciarum lacrymas, frustra spolia Numinum, prædasque Templorum. Spectabunt agrestia poma, concretum lac, pecudum vellera, supellectilem incuriosam, nil denique possessore pretiosius. Possumus, & magno Drusi animo conscientiae vocem emitte-  
re: Domos nostras aliena curiositas intret, & arcanos mores nulla Penatum tutela custodiat. Non avaras fœneratorum tabulas deprehendent, non infames Tigellini nundinas, aut Iupercalium lasciviam. Stupebunt liberorum innocentiam cultu Numinum, iisque virtutibus enutrirī, quibus crescentem Graccorum indolem Cornelia mater excoluit. Mirabuntur custodita pudore conjugia, pulchritudinem castitati simillimam, & quod raro contigit, honestam paupertatem. Non matronas formæ cura, aut externi cultus recentior grātia sollicitat, non Virgines molli cantu, nec lascivæ chorearum vertigine puellares annos incestant; sed inter lanas, ac pensa, de pudicitiae principatu, iudice modestia, contendunt.

Odimus sane illos, & ultima execratione damnamus, qui curioso in dies otio domos  
pu-



publicas, privatasque scrutantur, & civilis disciplinae praecepta jactantes, Principum aulas inani dicacitate fatigant: Genia Regum expendunt, fata Populorum disponunt, consilia miscent, arcana produnt, odiis insurgunt. Sic Magistratus, & legationes, quas virtutibus nequeunt, vel quia velocius putant, sceleribus emergantur. Nos ad aliena incuriosi nostra tantum respicimus. Feres tamen, Regina, ingenuum hominem liberius aliqua dicentem. Nunquam in Urbes divitum ad sustinendas paupertatis impensas agrorum opes detulimus; quin exhorruerit animus audisse tot cedes, furta, venena, libidines, circumventas miserrum fortunas, violata fidei pignora, empti judicia, venales Curias. Vidimus literarum alumnos, sapientiae antistites, pudet eloqui, Virtutem ipsam vidimus, per futuras lacerae vestis effulgentem, ante Principum limina precarium spiritum ducere; cum interea, qui poenalia vincula, ipsasque propemodum secures foeditate criminum violarent, opibus, gratia, magistratibus florent; & ne quid seculi de-rogetur infamiae, fortasse titulis, & statuarum honore posteritati monstrabuntur.



Da veniam Patrię rupis, incola simplicitas;  
semper gregibus, & aratro damnaberis. Exue  
candidos mores, habe venalem fidem, venalem  
spiritum, venalem Deum; & cum in tanta  
vitiörum copia, in tam ingenioso peccantium  
luxu sit quędam velut ambitio, ac scelerum dignitas,  
nec nisi adhuc ignota, & insignia crimina  
virtutis nomine illustrentur: aude aliquid,  
quo nec turpius antiqua nouerint secula, nec  
futura etas, quamvis corruptior, inueniat. Tunc  
repentinis opibus, & Senatu quodam dignitatum  
florebis: mille tibi nemora armentis mugient;  
& horreis tuis Italię annonæ pendeat.

Iam pudorem omnem, ac metum vicit delinquentium  
numerus, & cõmunis vitiorum labes seculum  
nuncupatur: Amisere authoritatem leges,  
dignitatem Senatus, Numina Maiestatem.

Et quando iustius tonabit Cælum, & per  
victoria decidens fulmina nocentes terras  
absumet? Curant profecto, Regina, magnitudinem  
tuam Numina, quæ tibi supra ceteras laudes  
præstiterunt, vt in honorem virtutum scelera ipsa  
dissimulent, & perditum flagitiis seculum  
sanctissimis moribus tuis absoluant.

Sentio quam acris, nec incongruo fortasse  
 stylo eos præcipue distrinxerim, qui alienis  
 saginati fortunis, paupertatem nostram jocu-  
 lari procacitate laceffunt. Lenius tamen agam  
 aduersus ignaros, quam sæpe virtutum seculis  
 Romani fasces laureato vomeri procubuerint;  
 dum Curij, & Fabricii, aliique Consulares  
 agricolæ, suspenso rastris paludamento, eadem  
 cura segetes, qua bella tractabant. Surgebat in  
 messem gloriæ triumphali manu subacta tel-  
 lus, nec tam laborum præmia, quam victori  
 gentium villico tributa pendebat. Quare, & si  
 minime apud nos desint qui natalium claritu-  
 dine, & egregiis disciplinis Rempublicam illu-  
 minent; sique tanti ducerent Patriæ libertatis  
 innocentiam deferere, vt sordidæ seruituti, &  
 aularum simultatibus celsitudinem animi de-  
 mittant; ne illi Principum animis certa consi-  
 lia, & illibatam fidem deferrent, Regum men-  
 tem, & oracula loquerentur, & in imperia Po-  
 pulorum consurgerent; Tamen cum in com-  
 mune nobis aratra, gregesque exprobrentur,  
 omnes vltro fatemur crimen colonis dictato-  
 ribus, ac trabeato sæpe pastore gloriosum. Vi-  
 deor lasciuienti Urbium otio facturus inui-  
 diam,

diam, si rustice artis exequi studia, & labores  
 voluerim, quibus ad futuram militaris disci-  
 plinæ patientiam durata iuuentus, statim si bel-  
 la poscant, in manipulos legionum armata, sul-  
 co non fabuloso confurgit. Hæc extruit agge-  
 res, mœnia subruit, vallum tutatur: huius hu-  
 meris Regum sollicitudines, fata Populorum  
 nituntur. Hæc est quæ fregit Alpes, clausit ma-  
 ria, & vtrumque Solem peruagata victoriis, Ar-  
 ctœas niues Libiæ arenis triumphali ligone  
 permiscuit. Non Cæsar, aut Africæ destinatū  
 fulmen Scipio, non ingens gloria Regum Ma-  
 cedo; nec Tu pars magna bellorum Christina  
 Terrarum Orbem, vel adhuc pacata concute-  
 res, si vrbanos tantum Populos, solamque no-  
 bilitatis luxuriam armasses. Nos Assiria Re-  
 gna, nos sceptræ Medorum protulimus: hæc  
 callo obductæ manus dedere Persis Imperium,  
 & sudore nostro Græcum diadema refulsit.  
 Nos denique Romam imposuimus mundo,  
 quæ tam male triumphis nostris vsa, vt fatius  
 ei fuerit pastoriæ Latij Majestatem agresti in-  
 tegritate, & iustitia bellorum tutari, quam im-  
 portunis armis Orbem Terrarum laceffere, vt  
 vitiiis domitarum gentium polluta, mores per-  
 deret, & Imperium.

Pa-

Pari fato cecidistis Ilium, Sparta, Athenæ,  
 tuque ingens Italiæ terror Carthago. E tot ma-  
 gnarum Urbium ruinis, & validissimarum gē-  
 tium cladibus Venetos lubens exemerim. Sa-  
 pientissimā Italiæ gentē, etsi Te vnā excipias,  
 sane dignam, quæ bellorum, Togæque gloria  
 Terrarū Orbem, aut regat, aut componat: cuius  
 perennitatem Imperij non sibi armorum feli-  
 citas vindicat, non Vrbs vallo tempestatum  
 præcincta; sed firmata periculis virtus, inteme-  
 rata Ciuiū fides, Religionis integritas, sanctitas  
 denique Curia, in qua pari gloria Cæsares im-  
 perant, & obediunt. Hæc delapsa sideribus an-  
 cilia, & fatalia pignora Vestalis flammæ, quibus  
 inuicta Respublica totius prope mundi viri-  
 bus adeo suffecit, vt sæpe visa sint Maria, Ter-  
 ræ, Numina velut in partibus militasse.

Non me tã longe materia blandiens euexit,  
 ut studio libertatis a Te Regina, diuertar. Cre-  
 desne Marinensium Rempubicam, si non Im-  
 perio, aut rerum gestarum magnitudine, certe  
 morum disciplina cuilibet alteri parem repen-  
 tino ciuium motu potuisse terreri? Vt primum  
 stupuere Alpes amicam Arcton, & vultus tui  
 Numen Italiæ votis effulsi, deserta statim ar-  
 ua, gregibus imperata libertas, non lariū amor,



non charitas Patriæ, non ipsa denique Senatus  
 autoritas valuit, quo minus laxati in lætitiâ  
 omnem Agricola ad conspectum tui conuola-  
 rent. Quamquam, & quid vel in Senatu jam  
 firmum, in quo sapientissimi etiam Civium  
 obsequio tui, & muneris hujus cupidine insani-  
 rent. Tunc notus livor, ambitus, æmulatio: ir-  
 repere falsi risus, infida oscula, fallaces blandi-  
 tiæ; & scenam omnem aulicæ adorationis im-  
 plevimus. Crederes alium Populum, alium Se-  
 natum. Erant qui pretio suffragia tentarent, &  
 ipsas quoque fœminas muneribus exambirêt.  
 Iam suspectæ virtutes, & merita amicorum in-  
 uisa: Non alias unquam urbes blandior incle-  
 mentia fatorum concussit, dum quisque in Pa-  
 triam excusatus, nec sine laude peccaret. Visum  
 tandem, e Republica surgentem seditionem  
 urna comprimi: data certatim nomina; sed ut  
 plerumque evenit, decerrante fortuna ad minus  
 idoneos fortiti sumus, qui felici parum inge-  
 nio, & mediocri literarum tinctura censemur.

Utinam dedisset urna, quorum ingenia Ro-  
 manis studiis, & insolenti Græciæ opponimus:  
 nil sane quicquam, tanto muneri defuisset, &  
 Civium meorum facundiam inuiti etiam lau-  
 darent, qui me fortasse, ut incomptum, & agre-  
stem



stem insimulant. Qua nunc arte, quo cultu  
 origines tuas, & avita bellorum decora felix  
 eloquentia revolveret? Quanta annalium fide  
 per altos urbium cineres, per cumulata exerci-  
 tum funera, per tot Sceptrorum strues, & con-  
 gelta totius prope mundi spolia triumphales  
 Gustaui lauros venerabunda contingeret? De-  
 inde, ut verecundiæ tuæ, vel damno veritatis  
 indulgeret, innumera laudum argumenta præ-  
 tervolans obiectasset tibi florentis ævi Virgi-  
 nem, nec tam armorum luce, quam circumfusa  
 Majestate radiantem, per obrutos glaciæ cam-  
 pos, per solidata gelu flumina anteire legionū  
 signa, fugare acies, aperire urbes, ac undique  
 Danis fascibus, & Cæsarum Aquilis insultare.  
 Tunc, Regina, nimis invida virtuti fores, nisi  
 Te libenter agnosceres, & haberent merita tua  
 hoc vno modo par pretium, si te ipsa laudares.

Non hæc, ut viribus ingenii ludam, & mo-  
 destissimis auribus tuis blandiar; sed ut scias,  
 Rempublicam non adeo literarum exper-  
 tem, ut minime possis in ea vim altissimæ mē-  
 tis exercere, vel saltem otij lenire fastidium. Du-  
 rant adhuc, & vivaci senecta lucem ingeniis  
 nostris partiuntur, qui quondam Vrbis Min-  
 nervæ Sacrarium, & arctatam in eo Principum

munificentia Græciam omnem, Latiumque in-  
 coluere. Felices ætate vestra patrii senes, qui-  
 bus contigit ea in aula morum, ac literarum  
 tyrocinia posuisse, in qua non improbitas, as-  
 sentatio, superbia; sed iustitia, pietas, sapientia  
 sacro amicitiae genio suffultæ, arbitria regnan-  
 tium moderabantur. Vidistis in tutelam artiũ,  
 in auxilium virtutis obvios Principes, profusas  
 opes, egesta æraria, quæ portentosis alibi cœ-  
 narum novitatibus, quæsitisque voluptatum  
 irritamentis misero adulantium risu exhauriũ-  
 tur. Vtinam Numina illa doloris nostri terris  
 adhuc fatorum invidia servasset; haberes, Regi-  
 na, qui morum sanctitate, & splendida penatum  
 innocentia dignationem advenæ majestatis  
 meruissent; quique munificentiam tuam, ac re-  
 gium in virtutes animum venerati, cæleste mu-  
 nus agnoscerent, & tuo vinci gauderent exem-  
 plo. Patriis itaque Sapientiæ Doctoribus uti-  
 mur, nec in dedecus unquam Reipublicæ, & ci-  
 vium nostrorum pudorem externa quæsitivimus  
 ingenia, quorum sæpe nomini pretium facit  
 ipsa longinquitas. Et nescio an inter studiorum  
 amœnitates severior alibi disciplinarum cultus  
 eniteat. Non ignota nomina Democritus, Tha-  
 les, Anaxagoras, & si qui alii per nugamenta  
 som

somniantis Philosophiæ audacius deliravere.

Quæ mortalium temeritas? quis furor? Naturæ Majestatem intrare, ortus rerum, progressus, conversiones inquirere, extra mundum per inania deferri, & suam interim naturam negligere: prudentiam, fortitudinem, justitiam, aliaque animi bona ignorare. Quanto satius nos ipsos intra nos quærere, tumultus affectuum ratione compescere, munire pectus adversus fortuita, nullo metu, spe nulla torqueri. Vtar, Regina, magnis exemplis, & tuis; quæ calcatis fortunæ sceptris, vastissima mentis Imperia Sapientiæ freno coërces, & Principum omnium gloriam supergressa, intactum cupiditatibus, invictum terrore animum supra necessitates erigis, supra fatum ponis.

Rides, Regina, montanum hominem tam inepte eruditum. Quid cum audieris agricolas, cælestem curam imperitiæ miscentes, aliorum mores expendere? Non ut anilibus fabulis facilitati Potentum illudant, & sidera in pretium trahant: sed ut serenos dies, tempestatesque prænoscant; ut certiori scœnore spargant legetes, pomaria conserant, vites custodiant. Miraberis humilioris fati pastores aperire sinum germinantis naturæ, fruticum, herbarumque

vires ostendere, simulque hominum incuriam  
 damnare, nimis erga Dei munus ingratam;  
 dum obviis frustra remediis, & calcatis sæpe  
 miraculis, vel ipsa naturæ horridior facies ef-  
 floreat: cujus beneficio ferales medentium se-  
 ctas effugimus; qui ut nostris sæpe malis pro-  
 ficiant, tam varijs, quæsitisque cruciatuum ex-  
 perimentis, ordinem sæuissimæ curationis ex-  
 tendunt, ut in miserrima comparatione lan-  
 guentium felices illi, quos aut negligentia cu-  
 stodit, aut dubiæ artis sedula crudelitas velo-  
 cius consumit.

Non provocata exercemus odia, nec alienâ  
 invidi felicitatem moramur; sed fuge, Regina,  
 avaras terras, fuge littora, tempestatibus cru-  
 deliora. Quid enim, vel in principiæ gentium  
 Vrbe, tam magnificum, & ingens, quo non, &  
 agreste oppidum, Te accedente superbiat? Vis  
 æquatam nubibus rectorum insaniam? Vis  
 portentosas artificum curas, & mutatos in lu-  
 xuriam Urbis excisarum Alpium terrores? Sæ-  
 tiant Numen pauperis loci Genius: Laxabuntur  
 in theatra sylvæ, succedent mapalibus templâ,  
 & rupes in Capitolia consurgent: Non Ilium,  
 non fabricatæ fabulis Thebæ velocius stete-  
 rint. Digna quidem Roma, quæ Tibi seculis  
ela-



elaborata miracula ostendet: sed non Tu minus  
digna, quæ fecisse monstreris.

Crede matribus, crede liberis oppletos col-  
les, crede rupibus hærentem Senatum, & sylva-  
rum fastigia pendulo pastore nutantia. Tota in  
oculis, tota in votis Respublica, nec tam redi-  
tus nostros, quam quid renunciaturi simus, ex-  
pectat. Et ut facile amantium desideriis credula  
spes eblanditur, exornauimus pauperem cu-  
riam, & inops undique larium supellex officio-  
sam urbis vanitatem ostentat. Signa Collegio-  
rum protulimus, & eductis atrio majorum ce-  
ris, in partem gaudii, rescissa velut orbitate,  
mortuorum imagines evocauimus. Non lætio-  
ri pompa, aut sincero magis cultu advectum  
Phrygia Numen Romana Majestas excepit.  
Sparsæ myrto, sparsæ genistis viæ, & casuris  
odoratum in imbrem liliis, rosisque oppleti  
Virginum sinus, cumulata denique canistra  
floribus, qui nomine Regum inscripti, tanquã  
adventui tuo proluserint, sponte nostris na-  
scuntur in terris. Colles inde urbanos cultus  
agrestium studio vincentes. Curvatae in arcus  
lauri, detonsæ in statuas buxi: hinc antra, &  
arundinei lares fronde nova, & serpente in ti-  
tulos hedera coronantur: ad pudicas illinc  
amo-



amorum fabulas decreſcunt in ſcenam ſylvæ:  
 quin etiam longis ordinibus porrectæ vites  
 vario nexu, & percurrente cannas corymbo,  
 militarem in modum, nec ſine quadam venu-  
 ſtate efferantur. Adde currus, trophæa, aliaque  
 bellorum ſimulacra, per quæ miris arborum  
 flexibus paſtorale luſit ingenium. Graviori de-  
 nique Senatus cura, indiſti feriarum dies, in-  
 ſtituta certamina, decretumq; Tibi genus om-  
 ne coronamēti, quod Tu pacis artibus, & glo-  
 ria bellorum meruiſti: Et niſi ſanior vetaret  
 Religio, jam aras noſtras, & Numina augeres.

Non ergo tam male de Te meruimus, ut  
 fruſtra rogeris. Parvam urbem, & humiles do-  
 mos, magna hoſpes dignare. Fac locum, quem  
 omnis poſteritas viſat, & mundus advena pro-  
 cumbens adoret. Sed ſi, quod refugit animus,  
 invides nobis hanc gloriam, & paupertatis  
 opes dedignaris, time ſaltem, Rempublicam  
 contemptum ſui apud Superos redempturam.  
 Poenas dabis, Regina, quas nūquam læſi amo-  
 ris excogitavit ingenium. Deprecabimur ſem-  
 per Numina, vt omnes Tibi Terras, omnia Ma-  
 ria, vel renuenti ſubſternant; addantque legem;  
 ingratam Tibi, gentibus ſalutarem. Cuncta diu  
 regas Imperia, nulla dones.